

四庫全書

集部

欽定四庫全書

唐詩品彙卷五十三

明 高棅 編

七言絕句八

正變

李商隱

漢宮詞

青雀西飛竟未回  
君王長在集靈臺  
侍臣最有相如渴

欽定四庫全書

唐詩品彙  
卷五十三

不賜金莖露一杯

宮詞

君恩如水向東流得寵憂移失寵愁  
莫向尊前奏花落涼風只在殿西頭

龍池

龍池賜酒敞雲屏羯鼓聲高衆樂停  
夜半宴歸宮漏永

薛王沈醉壽王醒

容齋續筆云唐岐薛諸王俱薨於開元中而太真以天寶三載方入宮此

篇與元稹連昌詞百官隊仗避岐薛俱失

瑤池

瑤池阿母綺牕開  
黃竹歌聲動地哀  
八駿日行三萬里  
穆王何事不重來

咸陽

咸陽宮闕鬱嵯峨  
六國樓臺艷綺羅  
自是當時天帝醉  
不關秦地有山河

過楚宮

巫峽迢迢舊楚宮  
至今雲雨暗丹楓  
浮生盡戀人間樂

只有襄王憶夢中

謝云高唐雲雨本是說夢古今皆以為實事此詩機襄王之愚前人未道破

過華清內廡門

華清別館閉黃昏  
碧草悠悠內廡門  
自是明時不巡幸  
至今青海有龍孫

賈生

宣室求賢訪逐臣  
賈生才調更無倫  
可憐夜半虛前席  
不問蒼生問鬼神

夜雨寄北

君問歸期未有期巴山夜雨漲秋池何當共剪西牕燭  
却話巴山夜雨時

宿駱氏亭寄懷崔雍崔衮

竹塢無塵水檻清相思迢遞隔重城秋陰不散霜飛晚  
留得枯荷聽雨聲

訪隱者不遇

城郭休過識者稀哀猿啼處有柴扉滄江白石漁樵路  
日暮歸來雨滿衣

憶住一師

無事經年別遠公  
帝城鐘曉憶西峯  
爐煙銷盡寒燈暗  
童子開門雪滿松

寄令狐郎中

嵩雲秦樹久離居  
雙鯉迢迢一紙書  
休問梁園舊賓客  
茂陵秋雨病相如

昨夜

不辭鷓鴣妬年芳  
但惜流塵暗洞房  
昨夜西池涼露滿

桂華吹斷月中香

槿花

風露淒淒秋景繁  
可憐榮落在朝昏  
未央宮裏三千女  
但保紅顏莫保恩

夕陽樓

花明柳暗繞天愁  
上盡重城更上樓  
欲問孤鴻向何處  
不知身世自悠悠

東還



自是仙才自不知十年長夢採華芝  
秋風動地黃雲暮  
歸去嵩陽尋舊師

端居

遠書歸夢兩悠悠只有空牀敵素秋  
階下青苔與紅葉  
雨中寥落月中愁

遊靈伽寺

碧煙秋寺汎湖來水打城根古堞摧  
盡日傷心人不見  
石榴花滿舊琴臺

嫦娥

雲母屏風燭影深  
長河漸落曉星沈  
嫦娥應悔偷靈藥

碧海青天夜夜心

謝云意謂嫦娥有長生之福無夫婦之樂為悔前人未道破

絕句

一作宮妓

珠箔輕明拂玉墀  
披香新殿鬬腰肢  
不須看盡魚龍戲

終遣君王怒偃師

列子云偃師周穆王時工人獻能倡者歌舞千變萬化技將終倡者瞬其

目怡王之左右侍妾王大怒立欲誅偃師偃師大懼立剖能倡者以示王皆傳繪草木膠漆黑白丹青之所為

王乃歎曰人之巧與造化同功乎楊文公談苑云余知制誥日與余恕同考試因出李義山詩共讀誦愛此

絕聲節稱歎曰古人措辭寓意  
如此之深妙令人感慨不已

### 杜牧

#### 宮怨

監官引出暫開門  
隨例雖朝不是恩  
銀鑰却收金鎖合  
月明花落又黃昏

#### 秋夕

銀燭秋光冷畫屏  
輕羅小扇撲流螢  
天街夜色涼如水  
臥看牽牛織女星

茗溪漁隱詩話云此詩斷句極佳意在言外  
其幽怨之情不待明言而自見之也

泊秦淮

煙籠寒水月籠沙  
夜泊秦淮近酒家  
商女不知亡國恨  
隔江猶唱後庭花

登樂遊原

長空澹澹孤鳥沒  
萬古消魂向此中  
看取漢家何事業

五陵無樹起秋風

謝云漢家基業之廣大為何如今日登原一望五陵變為荒田塹草無樹

木可以起秋風矣盛衰無常廢興有時有天下者觀此亦可以慄慄危懼

赤壁

折戟沈沙鐵未銷，自將磨洗認前朝。  
東風不與周郎便，

銅雀春深鎖二喬。

道山清話云：此詩正佳，但願費解說。

### 華清宮

零葉翻紅萬樹霜，玉蓮開蕊暖泉香。  
行雲不下朝元閣，一曲淋鈴淚萬行。

### 長安晴望

翠屏山對鳳城開，碧落搖光霽後來。  
回識六龍巡幸處，飛煙閒繞望春臺。

過勤政樓

千秋佳節名空在  
承露絲囊世已無  
唯有紫苔偏稱意  
年年因雨上金鋪

金谷園

繁華事散逐香塵  
流水無情草自春  
日暮東風怨啼鳥  
落花猶似墮樓人

青塚

青塚前頭隴水流  
燕支山下暮雲秋  
蛾眉一墜窮泉路

夜夜孤魂月下愁

洛陽秋夕

泠泠寒水帶霜風  
更在天橋夜景中  
清禁漏閒煙樹寂  
月輪移在上陽宮

將赴吳興登樂遊原

清時有味是無能  
閒愛孤雲靜愛僧  
欲把一麾江海去

樂遊原上望昭陵

石林詩話云牧之是不滿於當時故末有昭陵之句

江南春

千里鶯啼綠映紅  
水村山郭酒旗風  
南朝四百八十寺  
多少樓臺煙雨中

漢江

溶溶漾漾白鷗飛  
綠淨春深好染衣  
南去北來人自老  
夕陽長送釣船歸

宣州開元寺

松寺曾同一鶴棲  
夜深臺殿月高低  
何人為倚東樓柱  
正是千山雪漲谿



長安雪後

秦陵漢苑參差雪北闕南山次第雲  
車馬滿城原上去  
豈知惆悵有閒人

山行

遠上寒山石逕斜白雲深處有人家  
停車坐愛楓林晚  
霜葉紅於二月花

聞角

曉樓煙檻出雲霄景下林塘已寂寥  
城角為秋悲更遠

護霜雲破海天遙

春盡途中

田園不事來遊宦故國誰教爾別離  
獨倚關亭還把酒  
一年春盡送春時

寄揚州韓綽判官

青山隱隱水迢迢秋盡江南草木凋  
二十四橋明月夜

玉人何處教吹簫

劉云韓之風致可想  
書記薄幸自道耳

懷吳中馮秀才

長洲苑外草蕭蕭却算遊程歲月遥  
惟有別時今不忘  
暮煙秋雨過楓橋

送陸汾郎中棄官歸

少微星動照春雲魏闕衡門路自分  
倏去忽來應有意  
世間塵土漫疑君

送隱者

無媒逕路草蕭蕭自古雲林遠市朝  
公道世間唯白髮  
貴人頭上不曾饒

許渾

楚宮怨二首

十二山晴花盡開  
楚宮雙闕對陽臺  
細腰爭舞君王醉  
白日秦兵江上來

獵騎秋來在內稀  
渚宮雲雨濕龍衣  
騰騰戰鼓動城闕  
江畔射麋猶未歸

四皓廟二首

峨峨商嶺采芝人  
雪頂霜髯虎豹茵  
山酒一壺歌一曲

漢家天子忌功臣

避秦安漢出藍關松桂花陰滿舊山自是無人有歸意

白雲長在水潺潺

謝云此篇譏四老一出而不復還舊隱也

鴻溝

相持未定各為君秦政山河此地分力盡烏江千載後  
古溝芳草起寒雲

途經秦始皇墓

龍盤虎踞樹層層勢入浮雲亦是崩一種青山秋草裏

路人唯拜漢文陵

謝云霸陵與秦皇墓相近秦極其機巧漢極其朴畧千載之後衰草頽墳

氣消影滅秦漢無異也然行路之人知拜霸陵而不拜秦皇墓為君仁與不仁之異至是有定論矣

### 緱山廟

王子求仙月滿臺玉簫清轉鶴徘徊曲終飛去不知處

山下碧桃春自開

謝云此詩末句與錢起湘靈鼓瑟詩曲終人不見江上數峯青意度相似

### 經故太尉段公廟

徒想追兵緩翠華古碑荒廟閉松花紀生不向滎陽死

豈有山河屬漢家

客有卜居不遂薄遊沂隴因題

海燕西飛白日斜，天門遙望五侯家。  
樓臺深鎖無人到，

落盡東風第一花。

謝云英雄以宇宙為家所到等是逆旅何必以無家為憂彼五侯有樓臺

而無人到殆與寒士無家者等此篇用解其卜居不遂之鬱鬱也

謝亭送別

勞歌一曲解行舟，紅葉青山水急流。  
日暮酒醒人已遠，

滿天風雨下西樓。

謝云醉中送別見紅葉青山景象可受必不瞻望涕泣矣日暮酒醒行人

已遠不能無惜別之懷兼之滿天風雨離思又當何如耶

送宋處士歸山

賣藥修琴歸去遲  
山風吹盡桂花時  
世間甲子須臾事  
逢著仙人莫看棋

秋思

琪樹西風枕簟秋  
楚雲湘水憶同遊  
高歌一曲掩明鏡  
昨日少年今白頭

寄桐江隱者

潮去潮來洲渚春  
山花如繡草如茵  
嚴陵臺下桐江水



解釣鱸魚有幾人

鷺鷥

西風澹澹水悠悠  
雪點絲飄帶雨愁  
何限歸心倚前閣  
綠蒲紅蓼練塘秋

趙嘏

宮烏曲

宮烏棲處玉樓深  
微月生簷夜夜心  
香輦不回花自發  
春來空帶辟寒金

寄遠

禁鐘聲盡見  
栖禽關塞迢迢  
故國心無限  
春愁莫相問  
落花流水洞房深

經汾陽舊宅

門前不改舊山河  
破虜曾輕馬伏波  
今日獨經歌舞地  
古槐疎冷夕陽多

靈巖寺

館娃宮畔千年寺  
水濶雲多客到稀  
聞說春來倍惆悵

百花深處一僧歸

題僧壁

曉傍疎林露滿巾  
碧山秋寺屬閒人  
谿頭盡日看紅葉  
却笑高僧衣上塵

江樓書感

獨上江樓思悄然  
月光如水水連天  
同來翫月人何在  
風景依稀似去年

發青山館

見鷺聲暖野塘春鞍馬風高驛路塵一宿青山又須去  
古來難得是閒人

落第寄沈詢

穿楊力盡獨無功華髮相期一夜中別到江頭舊吟處  
為將雙淚問春風

贈別

水邊秋草暮萋萋欲駐殘陽恨馬蹄曾是管絃同醉伴  
一聲歌盡各東西

淮南丞相座贈歌者虞姁

綺筵無處避梁塵  
虞姁清歌白日新  
來值渚亭花欲盡  
一聲畱得滿城春

東亭柳

拂水斜煙一萬條  
幾隨春色醉河橋  
不知別後誰攀折  
猶自風流勝舞腰

經王先生故居

晚波東去海茫茫  
誰識蓬山不死鄉  
弄玉已歸蕭史去

碧樓紅樹倚斜陽

溫庭筠

瑤瑟怨

冰簟銀牀夢不成，碧天如水夜雲輕。  
鴈聲遠過瀟湘去，

十二樓中月自明。

謝云：無悲愴怨恨之詞，而枕冷衾寒，獨寐寤歎之意，在其中矣。

車駕西遊因而有作

宣曲長楊瑞氣凝，上林孤兔待秋鷹。  
誰將詞賦陪雕輦，

寂寞相如卧茂陵。

贈少年

江海相逢客恨多，秋風葉下洞庭波。  
酒酣夜別淮陰市，月照高樓一曲歌。

贈彈箏者

天寶年中事玉皇，曾將新曲教寧王。  
鈿蟬金鳳皆零落，一曲伊州淚萬行。

渭上題二首

呂公榮達子陵歸，萬古煙波繞釣磯。  
橋上一通名利跡，

至今江鳥背人飛

煙水何曾息世機  
暫時相向亦依依  
所嗟白首磻谿叟  
一下漁舟更不歸

題端正樹

路傍桂樹碧雲愁  
曾侍金輿幸驛樓  
草木榮枯似人事  
綠陰寂寞漢陵秋

鄠杜郊居

槿籬芳樹近樵家  
麥隴青青一徑斜  
寂寞遊人寒食後



夜來風雨送梨花

咸陽值雨

咸陽橋上雨如懸  
萬點空濛隔釣船  
還似洞庭春水色  
晚雲將入岳陽天

經故袁學士居

劍逐驚波玉委塵  
謝安門下更何人  
西州城外花千樹  
盡是羊曇醉後春

唐詩品彙卷五十三

欽定四庫全書

唐詩品彙卷五十四

明 高棟 編

七言絕句九

餘響

雍陶

天津橋春望

天津橋春水浸紅霞  
煙柳風絲拂岸斜  
翠輦不來金殿閉

宮鶯銜出上陽花

秋懷

古槐煙薄晚鴉愁  
獨向黃昏立御溝  
南國望中生遠思  
一行新鴈過汀洲

和孫明府懷舊山

五柳先生本在山  
偶然為客落人間  
秋來見月多歸思  
自起開籠放白鷗

宿嘉陵驛樓

離思茫茫正值秋每因風景却生愁  
今宵難作刀州夢  
月色江聲共一樓

城西訪友人

澧水橋邊小路斜日高猶未到君家村  
園門巷多相似  
處處春風枳殼花

哀蜀人為南蠻所俘

大渡河邊蠻亦愁漢人將度盡回頭  
此中剩寄相思淚  
南去應無水北流

劉得仁

悲老宮人

白髮宮娃不解悲，滿頭猶自插花枝。  
曾緣玉貌君王寵，准擬人看似舊時。

村中閒步

閒共野人臨野水，新秋高樹掛清暉。  
不知塵裏無窮事，白鳥雙飛入翠微。

上巳日

未敢分明賞物華  
十年如見夢中花  
遊人過盡衡門掩  
獨自凭欄到日斜

陳陶

朝元引

正殿雲開露冕旒  
下方珠翠壓鰲頭  
天雞唱罷南山曙  
春色先歸十二樓

隴西行二首

誓掃匈奴不顧身  
五千貂錦喪胡塵  
可憐無定河邊骨

猶是春閨夢裏人

隴樹三看塞草青樓煩新替護羌兵同來死者傷離別  
一夜孤魂哭舊營

閒居雜興

一顧成周力有餘白雲閒釣五谿魚中原莫道無麟鳳

自是皇家結網疎

謝云天下有非常之才朝不能用乃隱於漁釣未可謂世無英雄也

馬戴

易水懷古

荊卿西去不復返  
易水東流無盡期  
落日蕭條薊城北  
黃沙白草任風吹

薛逢

題黃花驛

孤戍迢迢蜀路長  
鳥鳴山館客思鄉  
更看絕頂煙霞外  
數樹巖花照夕陽

定山寺

十里松蘿映碧苔  
一川晴色鏡中開  
遙聞上界翻經處



片片香雲出院來

薛能

銅雀臺

魏帝當時銅雀臺  
黃花深映棘叢開  
人生富貴須回首  
此地豈無歌舞來

友人邊遊回

一作馬戴詩

遊子新從絕塞迴  
自言曾上李陵臺  
尊前語盡北風起  
秋色蕭條胡鴈來

宋氏林亭

地濕莎青雨後天  
桃花紅近竹林邊  
行人本是農桑客  
記得春深欲種田

楊柳

華清高樹出離宮  
南陌柔條帶晚風  
誰見輕陰是良夜  
瀑泉聲畔月明中

孟遲

長信宮

君恩已盡欲何歸  
猶有殘香在舞衣  
自恨身輕不如燕  
春來還繞御簾飛

閨情

山上有山歸不得  
湘江暮雨鷓鴣飛  
蘼蕪亦是王孫草  
莫送春香入客衣

還淮却寄睢陽

梁王池苑已蒼然  
滿樹斜陽極浦煙  
盡日回頭看不見  
兩行秋淚上南船

宮人斜

雲慘煙愁苑路斜  
路傍丘塚盡宮娃  
茂陵不是同歸處  
空寄香魂着野花

項斯

涇州聽張處士琴

邊州獨夜正思鄉  
君又彈琴在客堂  
髣髴不離燈影外  
似聞流水到瀟湘

段成式

欽定四庫全書

唐詩品彙  
卷五十四

六

折楊柳枝詞

枝枝交影鎖長門  
嫩色曾霑雨露恩  
鳳輦不來春欲盡  
空留鶯語到黃昏

送穆郎中赴闕

應念愁中恨  
索居驪歌聲裏且踟躕  
若逢金馬門前客  
為說虞卿久著書

李羣玉

紫極宮齋後

紫府空歌碧落寒  
晚星寥亮月光殘  
一羣白鶴高飛散  
唯有松風掃石壇

南莊春望

草暖沙長望去舟  
微茫煙浪向巴丘  
沅湘寂寂春歸盡  
水綠蘋香人自愁

韓琮

暮春瀝水送別

綠暗紅稀出鳳城  
暮雲宮闕古今情  
行人莫聽宮前水

流盡年光是此聲

謝云人物有盡流水無窮自唐有宮闕以來不知經幾年過幾人而宮前

流水只此如故

司馬禮

宮怨

柳色參差罨畫樓  
曉鶯啼送滿宮愁  
年年花落無人見  
空逐春泉出御溝

觀郊禮

鐘鼓旌旗引六飛  
玉皇初著畫龍衣  
泰壇煙盡星河曉

萬國心隨綵仗歸

秋日懷儲嗣宗

故人北遊久不回  
霜鴈南度聲何哀  
相思聞鴈更惆悵  
却向單于臺下來

杜荀鶴

題新鴈

暮天新鴈起汀洲  
紅蓼花疎水國秋  
想得故園今夜月  
幾人相憶在江樓



哭具韜

親朋來哭我來歌  
喜傍青山葬薜蘿  
四海十年人殺盡  
似君埋少不埋多

李頻

聞金吾妓唱梁州

聞君一曲古梁州  
驚起黃雲塞上愁  
秦女樹前花正發  
北風吹落滿城秋

劉駕

長門怨

文苑英華  
作張喬詩

御泉長遶鳳凰樓只是恩波別處流  
閒揲舞衣歸未得  
夜來砧杵六宮秋

儲嗣宗

月夜

鴈池衰草露霑衣  
河水東流萬事微  
寂寞青陵臺上月  
秋風蒲樹鵲南飛

陸龜蒙

懷宛陵舊遊

陵陽佳地昔年遊  
謝朓青山李白樓  
唯有日斜江上思  
酒旗風影落春流

春夕櫻桃園燕

佳人芳樹雜春蹊  
花外煙濛月漸低  
幾度艷歌清欲轉  
流鶯驚起不成棲

張賁

送人西歸

孤雲獨鳥本無依  
江海重逢故舊稀  
楊柳漸疎蘆葦白  
可堪斜日送君歸

方干

東陽道中作

百花香氣傍行人  
花底垂鞭日易曛  
野火不知寒食節  
穿林轉壑自燒雲

唐彥謙

仲山

漢高祖兄  
劉仲薨此

千載遺蹤寄薜蘿  
沛中鄉里漢山河  
長陵亦是閒丘壠  
異日誰知與仲多

謝云觀此詩則貧富貴賤等皆空花有道者不以累其靈臺

曲江春望

杏艷桃嬌奪晚霞  
樂遊無廟有年華  
漢朝冠蓋皆陵墓  
十里宜春下苑花

長谿秋望

柳短莎長谿水流  
雨餘煙暝立谿頭  
寒鴉閃閃前山去  
杜曲黃昏人自愁

張喬

宿洛都門

山川馬上度邊禽  
一宿都門永夜吟  
客路不歸秋又晚  
西風吹下洛陽砧

宴邊將

一曲涼州金石清  
邊風蕭颯動江城  
坐中有老沙場客  
橫笛休吹塞上聲

寄山僧

大道本來無所染白雲那得有心期遠公獨刻蓮花漏  
猶向青山禮六時

司空圖

漫書

長擬求閒未得閒又勞行役出秦關逢人漸覺鄉音異  
却恨鶯聲似故山

高駢

訪隱者不遇

落花流水認天台半醉閒吟獨自來惆悵仙翁何處去  
滿庭紅杏碧桃開

羅鄴

公子行

雕鞍玉勒照花明過後香風特地生半醉五侯門裏出  
月高猶在禁街行

看花

花開只恐看來遲及到愁如未看時家在楚鄉身在蜀



一年春色負歸期

李拯

退朝望終南山

紫宸朝罷綴鵷鸞，丹鳳樓前駐馬看。唯有終南山色在，

晴明依舊滿長安。

謝云此詩復長安後車駕還京人物蕭條感慨而作唯終南依舊

崔魯

華清宮三首

草遮回磴絕鳴鑾，雲樹深深碧殿寒。明月自來還自去，

更無人倚玉闌干

謝云離宮荒廢之狀盡矣  
參之少陵玉華宮尤簡切

障掩金雞蓄禍機  
翠華西拂蜀雲飛  
珠簾一閉朝元閣  
不見人歸見燕歸

門橫金鎖悄無人  
落日秋聲渭水濱  
紅葉下山寒寂寂  
濕雲如夢雨如塵

崔塗

巫山旅別

五千里外三年客  
十二峰前一望秋  
無限別魂招不得

夕陽西下水東流

感花

繡軀香羈夜不歸少年爭惜最紅枝東風一陣黃昏雨  
又是繁華夢覺時

章碣

焚書坑

竹帛煙銷帝業虛關河空鎖祖龍居坑灰未冷山東亂  
劉項元來不讀書

東都望幸

懶修珠翠上高臺  
眉月連娟恨不開  
縱使東巡也無益  
君王自領美人來

鄭谷

淮上別故人

楊子江頭楊柳春  
楊花愁殺渡江人  
數聲風笛離亭晚  
君向瀟湘我向秦

贈日本鑒禪師

故國無心渡海潮  
老禪方丈倚中條  
夜深雨絕松堂靜  
一點山螢照寂寥

高蟾

春風

明月斷魂清靄靄  
平蕪歸思綠迢迢  
人生莫遣頭如雪  
縱得春風亦不消

旅夕

風散古陂驚宿鴈  
月臨荒戍起啼鴉  
不堪吟斷無人見

時復寒燈落一花

曹松

己亥歲

澤國江山入戰圖，生民何計樂樵蘇。  
憑君莫話封侯事，

一將功成萬骨枯。

謝云：仁人君子，聞此詩者，必不以干戈立功名矣。

送僧入蜀過夏

師言結夏入巴峯，雲水迴頭幾萬重。  
五月蛾眉須近火，

木皮願重只如冬。

王駕

社日

詩府作  
張翥詩

鵝湖山下稻梁肥，豚柵雞棲半掩扉。  
桑柘影斜春社散，家家扶得醉人歸。

晴景

雨前初見花間葉，雨後兼無葉底花。  
蛺蝶飛來過牆去，却疑春色在鄰家。

吳融

華清宮

中原無鹿海無波  
鳳輦鸞旗出幸多  
今日故宮歸寂寞  
太平功業在山河

李洞

繡嶺宮詞

春日遲遲春草綠  
野棠開盡飄香玉  
繡嶺宮前鶴髮翁  
猶唱開元太平曲

贈僧



不羨王公與貴人，唯將雲鶴自相親。  
閒來石上觀流水，欲洗禪衣未有塵。

韋莊

江上別李秀才二首

前年相送灞陵春，今日天涯各避秦。  
莫向尊前惜沈醉，

與君俱是異鄉人。

謝云客中送客最易傷懷唐人如今日勸君須盡醉勸君更盡一杯酒皆

不若此之妙

千山紅樹萬山雲，把酒相看日又曛。  
一曲離歌兩行淚，

不知何地再逢君

東陽酒家贈別

天涯方歎異鄉身又向天涯別故人  
明日五更孤店月  
醉醒何處各沾巾

送人遊并汾

風雨蕭蕭欲暮秋獨攜孤劍塞垣遊  
如今虜騎方南牧  
莫過陰關第一州

送人歸上國

送君江上日西斜  
泣向江邊滿樹花  
若見青雲舊相識  
為言流落在天涯

春愁

自有春愁正斷魂  
不堪芳草思王孫  
落花寂寂黃昏雨  
深院無人獨倚門

殘花

江頭沈醉落殘暉  
却向花前慟哭歸  
惆悵一年春又去  
碧雲芳草兩依依

金陵圖

江雨霏霏江草齊六朝如夢鳥空啼無情最是臺城柳  
依舊煙籠十里堤

謝云國亡主滅陵谷變遷唯臺城柳  
必梁朝所種草木無情只如舊日

韓偓

宮詞

繡屏斜立正銷魂侍女移燈掩殿門燕子不歸花著雨  
春風應自怨黃昏

江為

塞下曲

萬里黃雲凍不飛  
磧烟烽火夜深微  
胡兒移帳寒笳絕  
雪路時聞探馬歸

李建勳

宮詞

宮門常閉舞衣閒  
畧識君王鬢便班  
却羨落花春不管  
御溝流得到人間

張泌

寄人

別夢依依到謝家  
小廊回合曲闌斜  
多情只有春庭月  
猶為情人照落花


孫光憲

竹枝詞

門前春水白蘋花  
岸上無人小艇斜  
商女經過江欲暮  
散拋殘食飼神鴉

楊柳枝詞

昌門風煖落花乾  
飛徧江城雪不寒  
獨有晚來臨水驛  
間人多凭赤欄干



唐詩品彙卷五十四

欽定四庫全書

集部

唐詩品彙卷

五十五至  
六十

詳校官檢討

臣德生

助教

臣常循覆勘

總校官進士

臣朱

鈐

校對官編修

臣勵守謙

謄錄監生

臣薛夢陽



欽定四庫全書

唐詩品彙卷五十五

明 高棟 編

七言絕句十

旁流

古樂府

水調歌

樂苑曰水調商調曲舊說隋煬帝幸江都所製曲成奏之聲韵怨切王令言聞

而謂其弟子曰但有去聲而無回韵帝不返矣  
後竟如其言按唐曲凡十一疊前五疊為歌後

六疊為入破其歌第五疊五言調聲  
最為怨切今選其七言五首于下

第一疊

平沙落日大荒西隴上明星高復低  
孤山幾處看烽火  
戰士連營候鼓聲

第三疊

王孫別上綠珠輪不羨名公樂此身  
戶外碧潭春洗馬  
樓前紅燭夜迎人

入破第二疊

欽定四庫全書

唐詩品彙卷五十五

明 高棟 編

七言絕句十

旁流

古樂府

水調歌

樂苑曰水調商調曲舊說隋煬帝幸江都所製曲成秦之聲韵怨切王令言聞

而謂其弟子曰但有去聲而無回韵帝不返矣後竟如其言按唐曲凡十一疊前五疊為歌後

六疊為入破其歌第五疊五言調聲  
最為怨切今選其七言五首于下

第一疊

平沙落日大荒西隴上明星高復低  
孤山幾處看烽火  
戰士連營候鼓聲

第三疊

王孫別上綠珠輪不羨名公樂此身  
戶外碧潭春洗馬  
樓前紅燭夜迎人

入破第二疊

錦城絲管日紛紛半入江風半入雲此曲只應天上有  
人間能得幾回聞

第三疊

昨夜遙歡出建章今朝綴賞度昭陽傳聲莫閉黃金屋  
為報先開白玉堂

第四疊

日晚笳聲咽戍樓隴雲漫漫水東流行人萬里向西去  
滿目關山空恨愁

涼州歌

樂苑曰涼州宮詞曲開元中西涼府都督郭知運所進也樂府雜錄曰梁州

曲本在正宮調中有大遍小遍至貞元初康崑崙翻入琵琶王宸官調初進曲在王宸殿故有此名合諸樂即黃鐘宮也張同幽閑鼓吹曰段和尚善琵琶自制西涼州後傳康崑崙即宮調涼州也亦謂之新涼州云郭茂倩所載前二疊為歌後三疊為排遍今錄其三首

第一疊

漢家宮裏柳如絲上苑桃花連碧池聖壽已傳千歲酒

天文更賞百僚詩

第二疊

朔風吹葉鴈門秋萬里煙塵昏戍樓征馬長思青海上  
胡笳夜聽隴山頭

排遍第二疊

鴛鴦殿裏笙歌起翡翠樓前出舞人喚上紫微三五夕  
聖明方壽一千春

大和

樂苑曰大和羽調曲也郭茂倩樂府載五徹今錄其二首

第二徹

國鳥尚含天樂轉寒風猶帶御衣香為報碧潭明月夜

會須留賞待君王

第四徹

塞北江南共一家何須淚落怨黃沙  
春酒半酣千日醉庭前還有落梅花

伊州歌

樂苑曰伊州商調曲西京節度蓋嘉運所進也前五疊為歌後五疊為入破今

錄其  
四首

第一疊

秋風明月獨離居  
蕩子從戎十載餘  
征人去日殷勤囑



歸鴈來時數寄書

入破第一疊

千門今夜曉初晴  
萬里天河徹帝京  
璨璨繁星駕秋色  
稜稜霜氣韻鐘聲

第二疊

長安二月柳依依  
西出流沙路漸微  
闕氏山上春色少  
相府庭邊驛使稀

第三疊

三秋大漠冷溪山八月嚴霜變草顏  
卷旆風行宵度磧  
銜枚電掃曉應還

蓋羅縫

樂府作近代曲戴蓋羅縫二  
首前一首即王昌齡從軍行

第二曲

音書杜絕白狼西桃李無顏黃鳥啼  
寒鴈春深歸去盡  
出門腸斷草萋萋

水鼓子

樂府作  
近代曲

第一曲

雕弓白羽獵初回  
薄夜牛羊復下來  
夢水河邊秋草合  
黑山峯外陣雲開

景龍文館學士

以下無名氏七人

長寧公主宅流杯

憑高瞰迥足怡心  
茵閣桃源不暇尋  
餘雪依林成玉樹  
殘雲點岫即瑤琴

開元名公

裴給事宅白牡丹

長安豪貴惜春殘，爭賞新開紫牡丹。  
別有玉盤承露冷，無人起就月中看。

才調詩

見才調集  
唐韋瓘編

雜詩二首

無定河邊暮笛聲，  
赫連臺畔旅人情。  
函關歸路千餘里，  
一夕秋風白髮生。

花落長川草色青，  
暮山重疊雨冥冥。  
逢春漸覺飄蓬苦，  
今日分飛一涕零。

惆悵詩

第一

晨肇重來路已迷  
碧桃花謝武陵溪  
仙山日斷無尋處  
流水潺湲日漸西

第二

夢裏分明入漢宮  
覺來燈背錦屏空  
紫臺月落關山曉  
腸斷君恩信畫工

蘆中集

初過漢江

襄陽好向峴亭看人物蕭條值歲闌為報習家多置酒  
夜來風雪過江寒

君山父老

閒吟

湘中老人讀黃老手援紫藟坐碧草春至不知湖水深  
日暮忘却巴陵道

胡笳曲

此篇見唐  
音失名氏

月明星稀霜滿野  
羶車夜宿陰山下  
漢家自失李將軍  
單于公然來牧馬

王烈

以下有姓氏無字  
里世次可考者

塞上曲二首

紅顏歲歲老金微  
沙磧年年卧鐵衣  
白草城中春不入  
黃花戍上鴈長飛

孤城夕對戍樓閒  
迴合青冥萬仞山  
明鏡不須生白髮  
風沙自解老紅顏

張敬忠

邊詞

五原春色舊來遲二月垂楊未掛絲  
即今河畔冰開日正是長安花落時

王喬

過故人宅

故人軒騎罷歸來舊宅園林閉不開  
唯餘挾瑟高堂婦哭向平生歌舞臺



樓頴

西施石

西施昔日浣紗津  
石上青苔思殺人  
一去姑蘓不復返  
岸傍桃李為誰春

王偃

夜夜曲

北斗星移銀漢低  
班姬愁思鳳城西  
青槐陌上行人絕  
明月樓前烏夜啼

朱晦

秋日送別

荒郊古陌時時斷  
野水浮雲處處秋  
唯有河邊衰柳樹  
蟬聲相送到揚州

宋邕

春日

輕花細葉滿林端  
昨夜春風晚色寒  
黃鳥不堪愁裏聽  
綠楊宜向雨中看

裴交泰

文苑英華  
作文泰

長門怨

自閉長門經幾秋  
羅衣濕盡淚還流  
一種蛾眉明月夜  
南宮歌管北宮愁

吳商浩

秋塘曉望

鐘盡疎桐散宿鴉  
故山煙樹隔天涯  
西風一夜秋塘曉  
零落幾多紅藕花

盧弼

和李秀才邊庭四時怨

春

春衣昨夜到榆關  
故國煙花想已殘  
小婦不知歸未得  
朝朝應上望夫山

夏

盧龍塞外草初肥  
燕乳平蕪曉不飛  
鄉國近來音信斷  
至今猶自著寒衣

秋

八月霜飛柳遍黃  
蓬根吹斷鴈南翔  
隴頭流水關山月  
泣上龍堆望故鄉

冬

朔風吹雪透刀瘢  
飲馬長城窟更寒  
半夜火來知有敵  
一時齊保賀蘭山

杜常

西清詩話云杜常方澤二人不以文藝  
名世而詩語驚人如此殆有不可知者

華清宮

行盡江南數十程  
曉風殘月入華清  
朝元閣上西風急  
都入長楊作雨聲

方澤

武昌阻風

江上春風阻客舟  
無窮歸思滿東流  
與君盡日間臨水  
貪看飛花忘却愁

皎然

以下納  
子八人

長門怨

春風日日閉長門  
搖蕩春心似夢魂  
若遣花開只笑妾  
不如桃李自無言

銅雀妓

強開罇酒向陵看  
憶得君王舊日歡  
不覺餘歌悲自斷  
非關艷曲轉聲難

聽胡笳送人

一奏胡笳客未停  
野僧還欲廢禪聽  
難將此意臨江別

無限春風葭莢青

送僧遊宣城

楚山千里一僧行  
念爾初緣道未成  
莫向舒姑泉口泊  
此時嗚咽易傷情

送履上人還金陵

攜錫西山步綠莎  
禪心未了奈情何  
湘宮水寺清秋夜  
月落風悲松柏多

送聰上人還廣陵



莫學休公學遠公了心還與我心同  
隋家古柳數株在  
看取人間萬事空

晚秋破山寺

秋風落葉滿空山  
古殿殘燈石壁間  
昔日經行人去盡  
寒雲夜夜自飛還

舟行懷閻士和

二月湖南春草遍  
橫山渡口花如霰  
相思一夜在孤舟  
空見歸雲三兩片

靈一

僧院

虎溪閒月引相過帶雪松枝掛薜蘿無限青山行欲盡  
白雲深處老僧多

贈靈澈禪師

禪師來往翠微間萬里千峯見剡山何時共到天台裏  
身與浮雲處處閒

雨後欲往天目山問元駱二公溪路

昨夜雲生天井東  
春山一雨幾迴風  
林花併逐溪流下  
欲上龍池通不通

靈澈

答韋丹

年老心閒無外事  
麻衣草座亦容身  
相逢盡道休官去  
林下何曾見一人

清江

送婆羅門生

雪嶺金河獨向東  
吳山楚澤意無窮  
如今白首鄉心盡  
萬里歸程在夢中

法振

逢友人上都

逢一作送  
今從弘秀集

玉帛徵賢楚客稀  
猿啼相送武陵歸  
潮頭望入桃花去  
一片春帆帶雨飛

無本

行次漢上

習家池沼草萋萋  
嵐樹光中信馬蹄  
漢主廟前湘水碧  
一聲風角夕陽低

冬夜送人

平明走馬上村橋  
花落梅溪雪未消  
日短天寒愁送客  
楚山無限路迢迢

無悶

暮春送人

折柳亭邊手重攜  
江煙澹澹草萋萋  
杜鵑不顧離人意

更向落花枝上啼

齊已

貽九華上人

一法傳聞繼老能  
九華閒卧最高層  
秋鐘盡後殘陽暝  
門掩松邊雨夜燈

曹唐

羽士  
一人

小遊仙

方士飛軒住碧霞  
酒寒風冷月初斜  
不知誰唱春歸曲

落盡溪頭白葛花

題武陵詞三首

此生終使此身閒  
不是秦時且要還  
努力桃花與流水  
莫辭相送到人間

桃花夾岸杳何之  
花滿春山水去遲  
三宿武陵溪上月  
始知人世有秦時

溪口回舟日已昏  
却聽雞犬隔前村  
慙勤重與秦人別  
莫使桃花閉洞門

魚玄機

女冠  
一人

江陵愁望寄子安

楓葉千枝復萬枝  
江橋掩映暮帆遲  
憶君心似東流水  
日夜東流無歇時

江行

大江橫挹武昌斜  
鸚鵡洲前萬戶家  
畫舸春眠朝未穩  
夢為蝴蝶也尋花

上官昭容

以下宮閨  
十三人



駕幸新豐溫泉

鸞旂掣曳拂空回  
羽騎駢躡景來隱  
隱驪山雲外聳  
迢迢御帳日邊開

梅妃

謝賜珍珠

玄宗有題梅妃畫  
真妃故有此謝

桂葉雙眉久不描  
殘粧和淚污紅綃  
長門盡日無梳洗  
何必珍珠慰寂寥

關盼盼

燕子樓詩二首

張建封節制徐州納盼盼於燕子樓張死誓不他適作燕子樓

詩集僅  
三百首

樓上殘燈伴曉霜  
獨眠人起合歡牀  
相思一夜情多少  
地角天涯未是長

北邙松柏鎖愁煙  
燕子樓中思悄然  
自埋劍履歌塵散  
紅歇香銷一十年

趙氏

聞杜羔登第

長安此去無多地鬱鬱葱葱佳氣浮良人得意正年少  
今夜醉眠何處樓

代杜羔贈

澹澹春風花落時不堪愁望更相思無金可買長門賦  
有恨空吟團扇詩

張窈窕

春思

門前梅柳爛春輝閉妾深閨繡舞衣雙燕不知腸欲斷

銜泥故故傍人飛

劉瑗

長門怨

雨滴梧桐秋夜長  
愁心和雨到昭陽  
淚痕不與君恩斷  
拭却千行更萬行

裴羽仙

邊將

夫征匈奴不歸

風卷平沙日欲曛  
狼煙遙認犬羊羣  
李陵一戰無歸日

望斷胡天哭塞雲

廉氏

寄征人

淒淒北風吹鴛被  
娟娟西月生蛾眉  
誰知獨夜相思處  
淚滴寒塘蕙草時

崔公達

獨夜詞

晴天霜落寒風急  
錦帳羅幃羞更入  
秦箏不復續斷絃

迴身掩淚挑燈立

姚月華

古怨二首

春水悠悠春草綠對此思君淚相續  
羞將離恨向東風  
理盡秦箏不成曲

與君形影分胡越玉枕終年對離別  
登臺北望煙雨深  
迴身泣向寥天月

花蓋夫人

宮詞二首

厨船進食簇時新  
侍宴無非列近臣  
日午殿頭宣索詔  
隔花催喚打魚人

梨園弟子簇池頭  
小樂攜來候燕遊  
試挾銀箏先按拍  
海棠花下合梁州

薛濤

送友人

水國蒹葭夜有霜  
月寒山色共蒼蒼  
誰言千里自今夕

離夢杳如闌塞長

送盧員外

玉壘山前風雪夜錦官城外別離魂  
信陵公子如相問長向夷門感舊恩

題竹郎廟

竹郎廟前多古木夕陽沉沉山更綠  
何處江村有笛聲笛聲盡是迎郎曲

故臺城妓



耿將軍守瑩青衣

獨持巾櫛掩玄關  
小帳無人燭影殘  
昔日羅衣今化盡  
白楊風起隴頭寒

唐詩品彙卷五十五

欽定四庫全書

唐詩品彙卷五十六

明 高棟 編

五言律詩一

正始上

太宗皇帝

秋日

爽氣澄蘭沼  
秋香動桂林  
露凝千片玉  
菊散一叢金  
日

吐高低影雲垂點綴陰蓬瀛不可望泉石且娛心

虞世南

侍宴賦韻得前字應制

芬芳禁林晚客與桂舟前橫空一鳥度照水百花然綠  
野明斜日青山澹晚烟濫陪終燕賞握管類窺天

侍宴歸鴈堂

歌堂面綠水舞館接金塘竹開霜後翠梅動雪前香鳬  
歸初命侶鴈起欲分行刷羽同棲集懷恩愧稻粱

楊師道

初秋夜坐應詔

玉琯涼初應金壺夜漸闌  
滄池流稍潔仙掌露方溥  
鴈聲風處斷樹影月中寒  
爽氣長空淨高吟覺思寬

陳叔達

早春桂林殿應詔

金鋪照春色玉律動年華  
朱樓雲似蓋丹桂雪如花  
水岸銜階轉風條出柳斜  
輕輿臨太液湛露酌流霞

後渚置酒

大渚初驚夜中流沸鼓鞞寒沙滿曲浦夕霧上耶溪岸  
廣鳬飛急雲深鴈度低嚴關猶未遂此夕待晨雞

李義府

宣正殿芝草

明王敦孝感寶殿秀靈芝色帶朝陽淨光涵雨露滋且  
標宣德重更引國恩施聖祚今無限微臣樂未移

董思恭

昭君怨

琵琶馬上彈行路曲中難  
漢月正南遠燕山直北寒  
鬢髮風拂亂眉黛雪沾殘  
斟酌紅顏改徒勞握鏡看

張文琮

昭君怨

戒途飛萬里迴首望三秦  
忽見天山雪還疑上苑春  
玉痕垂粉淚羅袂拂胡塵  
為聽胡中曲還悲遠嫁人

王績

野望

東臯薄暮望徙倚欲何依  
樹樹皆秋色山山唯落暉  
牧人驅犢返獵馬帶禽歸  
相顧無相識長歌懷采薇

蕭翼

答僧辯才

邂逅款良宵慙慙荷勝招  
彌天俄若舊初地豈成遙  
酒蟻傾還泛心猿躁似調  
誰憐失羣翼長苦業風飄

楊炯



從軍行

烽火照西京，心中自不平。  
牙璋辭鳳闕，鐵騎繞龍城。  
雪暗凋旗畫，風多雜鼓聲。  
寧為百夫長，勝作一書生。

劉生

卿家本六郡，年長入三秦。  
白璧豈知已，黃金謝主人。  
劍鋒生赤電，馬足起紅塵。  
日暮歌鐘發，喧喧動四隣。

送臨津房少府

岐路三秋別，江津萬里長。  
烟霞駐征蓋，絃奏促飛觴。  
階

樹含斜日池風泛早涼贈言未終竟流涕忽霑裳

送豐城王少府

愁結亂如麻長天照落霞離亭隱喬木溝水浸平沙左  
尉才何屈東關望漸賒行看轉牛斗持此報張華

送鄭州周司空

漢國臨清渭京城枕濁河居人下珠淚賓御促驪歌望  
極關山遠秋深烟霧多唯餘三五夕明月暫經過

驄馬

驄馬鐵連錢長安俠少年帝畿平若水宮路直如弦夜  
玉粧車軸秋金鑄馬鞭風霜但自保窮達任皇天

出塞

塞外欲紛紜雄猶未分明堂占氣色華蓋辨星文二  
月河魁將三千太乙軍丈夫皆有志會是立功勲

有所思

賤妾留南楚征夫向北燕三秋方一日少別比千年不  
掩頰紅縷無論數綠錢相思明月夜迢遞白雲天

梅花落

牕外一株梅寒花五出開影隨朝日遠香逐便風來泣  
對銅鈎障愁看玉鏡臺行人斷消息春恨幾徘徊

折楊柳

邊地迷無極征人去不還秋容凋翠羽別淚損紅顏望  
斷流星驛心馳明月關藁砧何處在楊柳自堪攀

王勃

聖泉宴

披襟乘石磴，列籍俯春泉。  
蘭氣熏山酌，松聲韻野絃。  
影飄垂葉外，香度落花前。  
興洽林塘晚，重巖起夕烟。

尋道觀

芝廬光分野，蓬閣盛規模。  
碧壇清桂闕，丹洞肅松樞。  
王笈三山記，金箱五嶽圖。  
蒼虬不可得，空望白雲衢。

散關晨度

關山凌旦開，石路無塵埃。  
白馬高譚去，青牛真氣來。  
重門臨巨壑，連棟起崇隈。  
即今揚策度，非是棄繻回。

別薛華

送送多窮路  
遑遑獨問津  
悲涼千里道  
悽斷百年身  
心事同漂泊  
生涯共苦辛  
無論去與住  
俱是夢中人

重別薛華

明月沉珠浦  
清風濯錦川  
樓臺臨絕岸  
洲渚亘長天  
旅泊成千里  
棲遑共百年  
窮途唯有淚  
還望獨潸然

遊梵宇三覺寺

杏閣披青磴  
瑤臺控紫岑  
葉齊山路狹  
花積野壇深  
蘿

幌棲禪影松門聽梵音遽忻陪妙躅延賞滌煩襟

麻平晚行

百年懷土望千里倦遊情高低尋戍道遠近聽泉聲  
磧葉纔分色山花不辨名羈心何處盡風急暮猿清

送盧主簿

窮途非所恨虛室自相依城闕居年滿琴尊俗事稀  
開襟方未已分袂忽多違東巖富松竹歲暮幸同歸

餞韋兵曹

征驂臨野次別袂慘江垂川霽浮烟歛山明落照移鷹  
風凋晚葉蟬露泣秋枝亭臯分遠望延想間雲涯

白下驛餞唐少府

下驛窮交日昌亭旅食年相知何用早懷抱即依然浦  
樓低晚照鄉路隔風烟去去如何道長安在日邊

杜少府之任蜀州

城闕輔三秦風烟望五津與君離別意同是宦遊人海  
內存知已天涯若比隣無為在岐路兒女共沾巾



仲春郊外

東園垂柳徑西堰落花津  
物色連三月風光絕四隣  
鳥飛村覺曙魚戲水知春  
初晴山院裏何處染罽塵

郊興

空園歌獨酌春日賦閒居  
澤蘭侵小徑河柳覆長渠  
雨去花光濕風歸葉影疎  
山人不惜醉唯畏淥尊虛

郊園即事

烟霞春早賞松竹故年心  
斷山疑畫障縣溜瀉鳴琴  
草

徧南亭合花開北院深閒居饒酒賦隨興欲抽簪

銅雀妓

金鳳隣銅雀漳河望鄴城君王無處所臺榭若平生舞  
席紛何就歌梁儼未傾西陵松檟冷誰見綺羅情

盧照隣

隴頭水

隴阪高無極征人一望鄉關河別去水沙塞斷歸腸馬  
繫千年樹旌懸九月霜從來共鳴咽皆是為勤王

巫山高

巫山望不極望望下朝氛莫辨啼猿樹徒看神女雲驚  
濤亂水脉驟雨暗峯文霑裳即此地况復遠思君

芳樹

芳樹本多奇年華復在斯結翠成新幄開紅滿故枝風  
歸花厯亂日度影參差容色朝朝落思君君不知

入秦川界

隴阪長無極蒼山望不窮石徑縈疑斷回流暎似空花

開綠野霧鶯轉紫巖風春芳勿遽盡留賞故人同

文翁講堂

錦里淹中館岷山稷下亭空梁無燕雀古壁有丹青槐  
落猶疑市苔深不辨銘良哉二十石江漢表遺靈

石鏡寺

古墓芙蓉塔神銘松栢烟鸞沉仙鏡底花沒梵輪前鉢  
衣千古佛寶月兩重圓隱隱香臺夜鍾聲徹九天

春晚山莊率題

田家無四隣獨坐一園春鶯啼非選樹魚戲不驚綸山  
水彈琴盡風花酌酒頻年華已可樂高興復留人

昭君怨

合殿恩中絕交河使漸稀肝腸隨玉輦形影向金微漢  
地草應綠胡庭沙正飛願逐三秋鴈年年一度歸

折楊柳

倡樓啟曙扉楊柳正依依鶯啼知歲隔條變識春歸露  
葉凝愁黛風花落舞衣攀折將安寄軍中音信稀

駱賓王

詠蟬

西陸蟬聲唱南冠客思侵  
那堪玄鬢影來對白頭吟  
露重飛難進風多響易沉  
無人信高潔誰為表予心

秋鴈

聯翩辭海曲搖曳指江干  
陣去金河冷書歸玉塞寒  
帶月凌空易迷烟逗浦難  
何當同顧影刷羽泛清瀾

秋日餞道士陳文林

得風字

青牛遊華岳赤馬走吳宮玉柱離鴻怨金罍泛蟻空日  
霽峻陵雨塵起洛陽風唯當玄度月千里與君同

遊紫雲觀贈道士

碧落澄秋景玄門啓曙關人疑列禦至客似令威還羽  
蓋徒欣仰雲車未可攀祇應傾玉醴時許寄顏顏

遊靈公觀

靈峯標勝境神府枕通川玉殿斜臨漢金堂迥架烟斷  
風疎晚竹流水切寒絃別有青門外空懷玄圃仙

玄上人林泉二首

林泉恣探歷風景暫徘徊客有遷鶯處人無結駟來聚  
花如薄雪沸水若輕雷今日徒招隱終知異鑿坏  
俗遠風塵隔春還初服遲林疑中散地人似上皇時芳  
杜湘君曲幽蘭楚客詞山中有春草長似寄相思

在兗州餞宋五之問

淮沂泗水地梁甫汶陽東別路青驪遠離樽綠蟻空柳  
寒凋密翠棠晚落疎紅別後相思曲悽斷入琴風



劉庭芝

入塞詩

將軍陷虜圍邊務息戎機霜雪交河盡旌旗入塞飛曉  
光隨馬度春色伴人歸課績朝明主臨軒拜武威

蘇味道

單于川對雨

飛雨欲迎旬浮雲已送春還從濯枝後來應洗兵辰氣  
合龍祠外聲過鯨海濱伐邢知有屬已見靜邊塵

正月十五夜

火樹銀花合，星橋鐵鎖開。  
暗塵隨馬去，明月逐人來。  
遊妓皆穠李，行歌盡落梅。  
金吾不禁夜，玉漏莫相催。

方虛谷云

古今元宵詩五言之妙少有出此者

初春行宮侍宴應制

得天字

溫液吐涓涓，跳波急應絃。  
簪裾承睿賞，花柳發韶年。  
聖酒千鍾洽，宸章七曜懸。  
微臣從此醉，還似夢鈞天。

薛曜

正夜侍宴應詔

重關鐘漏通夕敞鳳凰宮雙闕祥烟裏千門明月中酒  
盃浮湛露歌曲唱流風侍臣咸醉止恒愧遇恩崇

魏元忠

侍宴銀潢宮應制

別殿秋雲上離宮夏景移寒風生玉樹涼氣下瑤池  
花仍吐葉巖木尚抽枝願奉南山壽千秋長若斯

喬知之

銅雀妓

金閣惜分香鉛華不重粧空餘歌舞地猶是為君王哀  
絃聲已絕艷曲亦何長共看西陵暮秋烟生白楊

侍宴應制

紫禁宿晴氛朱樓落曉雲豫遊龍駕轉天樂鳳簫聞竹  
外仙亭出花間輦路分微臣一何幸詞賦奉明君

梨園亭子侍宴

年光陌上發香輦禁中遊草綠鴛鴦殿花紅翡翠樓天

杯承露酌仙管雜風流今日陪歡豫皇恩不可酬

韋安石

侍宴旋師喜捷應制

螽蟻屯夷落熊羆逐漢飛忘軀百戰後屈指一年歸  
厚眷紆天藻深慈解御衣興酣歌舞出朝野歎炎輝

韋承慶

凌朝浮江旅思

天晴上初日春水送孤舟山遠疑無樹潮平似不流岸

花開且落江鳥沒還浮羈望傷千里長歌遣四愁

中宗皇帝

登驪山頂寓目

四郊秦漢國八水帝王都閭閻雄里閭城闕壯規模  
貫渭稱天邑含岐實奧區金門披玉館因此識皇圖

唐詩品彙卷五十六